

2 Corintios

Ohõ saha ojoa ohoahye Pablo Corinto cjẽnare

¹ Yũhũ Pablo, Jesucristo yere buhe duti tiqiro cĩrigũ ijiaja. Mari Pacũ tiqiro cahmediro saha cĩri yũhũre Jesu. Yũhũ, mũsare Cohãcjũ yequinare, Corinto cjãnare ojoa ohoaja. Ijipihtina Cohãcjũ yequinare Acaya cjãnare mũsa gũhũre ojoa ohoaja. Mari acayũro Timoteo mehna quehnoa dutiaja mũsare.

² Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Pablo tiqiro ñano yũhdũrĩre ohõ saha ni yahuahye:

³ Mari pũhtoro Jesucristo Pacũro Cohãcjũ marine paja ihñare. Sa yero tiqiro dihita marine yedohore. Quehnoa yũhdũariqiro ijire tiqiro.

⁴ Mari ñano yũhdũgũ ihñano ijipihtinare marine tiqiro yequinare yedohore tiqiro apequinare mari yedohoatire. Sa yena apequina tiquina ñano yũhdũgũ ihñana tiquina pehere yedohoro cahmene marine. Cohãcjũ marine tiqiro yedohoye mehna mari gũhũ tiquina gũhũre yedohonata.

⁵ Cristo yequina mari ijiri buhiri mari ñano yũhdũgũ tiqiro tutuaro yedohorota marine.

⁶ Uĩa pehe mũsare yedohona ñano yũhdũaja. Sa yena Cristo mehna mũsa yũhdũatire mũsare uĩa yahuri buhiri ñano yũhdũaja. Sa yena Cristo uĩare tiqiro yedohogũ uĩa pehe mũsa gũhũre yedoho

masiaja. Sa yena usã ñano yuhduriro sahata musa gũhũ ñano yuhduna, quehnoano mehna ihcãno sahanata musa, yuhũ tũhotugũ.

⁷ Quehnoano mehna musa ihcãno sahatire usã masiaja. Usã ñano yuhduriro sahata ñano yuhduri musa gũhũ. Sa yena Cohãcjũ tiquiuro yedohoye mehna usã ihcãno sahariro sahata musa gũhũ ihcãno sahanata, yuhũ tũhotugũ.

⁸ Usã acaye, vojopure ahri yuhũ yahuatire musa quehnoano masigũ usã cahmeaja. Asia yehpamu ña yuhduaro yuhdũe tii usã. Ohõ saha ni tũhotumi usã: “Ne yuhdusi mari. Sa yena mari yarianata”, ni tũhotumi usã.

⁹ Sa yena “Marine wejẽ cãeta”, ni tũhotumi usã. Sa ñano yuhduna Cohãcjũ dihitare usã wacũ tutua nemou. Usãre tiquina ñano yegũ cahmeahye Cohãcjũ tiquiore usã wacũ tutua nemoatire. Tiquiuro pehe yariariquinare masoriquiuro ijire. Sa tiquiore wacũ tutuana usã esa tuharo usã ihcãno sahaerarire masiaja. Cohãcjũ marine yedohore.

¹⁰⁻¹¹ Usãre cuaro yepẽgũta tiquiuro yedohoro mehna usã yuhdũũ. Camerũ gũhũre pari turi usãre yuhduorota. Usãre Cohãcjũre musa sini basagũ tiquiuro usãre yedohorota. Usãre tiquiuro yedohoatire masiaja usã. Sa yena usãre tiquiuro yedohogũ ihñana, tiquiore “Quehnoare”, ninata musa. Peye musa sini basarire tiquiuro yuhdigũ ihñana bucue, “Quehnoare”, ninata musa Cohãcjũre. Peyequina apequina gũhũ sata nieta.

Pablo Corintopũ tiquiuro waha duamedire yahuahye

12 Sa yena m_{usa} mehna *usã* ijirire wacũna bucu-eye mehna ohõ saha t_{uhotuaja} *usã*: Ahri yehpap_u Cohãcjũ tiquiro yedohoye mehna ña_{ñe} marieno quehnoano mehna masare piti ti buhei. M_{usa} pũritare quehnoano piti ti buhei. Ohõ saha yena *usã* esa tuharo yer_u. Cohãcjũ cah_{ñe} mehna tiquiro tutuaye mehna sa yei.

13-14 Sa yena quehnoano yahu ojoa_u m_{usare}, quehnoano m_{usa} masiatire. Yojo_p_u *usãre* quehnoano masiedare m_{usa}. *Usã* ijiye tiyere m_{usa} quehnoano masigũ tutuaro cahmeaja *usã*. Sa yena mari p_{uhtoro} Jesu tiquiro tojoa tagũ *usã* mehna bucuenata m_{usa}. M_{usa} mehna *usã* bucueriro sahata m_{usa} gũh_u *usã* mehna bucuenata.

15-16 Ohõ saha nig_u Macedonia yehpap_u waha duamaja y_uh_u. Sa yeg_u m_{usare} ih_{ña} y_uhd_u cã duamaja y_uh_u. Sa yeg_u top_ure esarig_u tojoa tag_u pari turi m_{usa} mehna mehe_{ñe} decorigã ijiboaga y_uh_u. Sa yena p_ua taha m_{usa} mehna y_uh_u ijigũ ih_{ñana} pajiro y_uh_u mehna m_{usa} bucu_eboaga. M_{usa} cahap_u ijirig_u Judea yehpap_u y_uh_u wahagũ ih_{ñana} y_uh_ure yedohoboaga m_{usa}.

17 ¿“Waha_utja”, y_uh_u nigũ t_uhorina ijina m_{usa} cahap_u y_uh_u eseragũ ih_{ñana} “Pablo ni mehono nine”, ni t_uhotuajari m_{usa}? “Waha_utja”, nig_u y_uh_u esa tuharo sa nig_u niedaja y_uh_u. ¿“Tiquiro nidiro saha yerare”, y_uh_ure ni t_uhotuajari m_{usa}?

18 Ohõ saha ni mehog_u ijieraja y_uh_u. Sa yeg_u “Yeitja”, nig_u y_uh_u nidiro saha yeaja y_uh_u. Tire masine Cohãcjũ.

19 Y_uh_u, Sila, Timoteo mehna Jesucristo Cohãcjũ mac_uno yere m_{usare} yahuu *usã*. Cristo pehe

“Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere.

²⁰ Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaja Cohãcjũre tiquina ño peoatire.

²¹ Cristo yequina marine ijiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro.

²² Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro tiquirota marine Cohãcjũ yuhduoatore masigũ yere.

²³ Yojopure poto yahutja musare. Poto yuhũ yahueragũ Cohãcjũ pehe musare poto yuahuro. Tiquirota yuhũ tũhotuyere masine. Musare tuhti dueragũ musa cahapũ wahaerũ. “Musare bujua wutigũ yeari”, nigũ musa cahapure Corintopure wahaerũ.

²⁴ Sa yena “Musare dutina ijiaja usã”, nina niedaja. Cristore quehnoano wacũ tutua tuhasari musa. Sa yena “Ohõ saha Cristore wacũ tutuaro cahmene musare”, nina niedaja usã. Musare quehnoano bucuegũ ye duaja usã.

2

¹ Sa yegũ ohõ saha ni tũhotuu: “Pari turi tiquinare bujua wutigũ ye dueraja. Sa yegũ yojopure wahaeraja”, ni tũhotuu.

² Musare bujua wutigũ ye dueraja. Musa bujua wutigũ ihñagũ yuhũ pehe musare bucueraoaga.

Sa yena yuhure bucuegũ yeatina ijieraboaga m̄sa pehe.

³ Sa yegũ m̄sa caharũ wahaerũ. Sa wahaeragũ m̄sare ihyo ojoaũ. M̄sa yuhure bucuegũ yeatina ijiepenata yuhure bujua witigũ yeboaga m̄sa, m̄sa caharũ yuhũ esagũ. M̄sa mehna yuhũ bucuegũ, m̄sa gũhũ bucuenata. Tire masiaja yuhũ. Sa yegũ yojopure m̄sa mehna bujua witi dueragũ wahaerũ m̄sa caharũ.

⁴ Pajiro tuhotugũ, ñano jeripohna tigu, tutuaro utigu m̄sare ojoapeguta m̄sare bujua witigũ ye duerũ. M̄sare tutuaro yuhũ cahĩñene m̄sare masigũ ye duagũ m̄sare ojoaũ.

Corinto cjẽna mehna cjãno tiquiro ñano yerire bo dutiahye Pablo Jesu yequinare

⁵ Ihcãquiro m̄sa mehna cjãno yuhure bujua witigũ yeriquiro ijiri. Sa yeriquiro ijiepegãta m̄sare tiquiro tutuaro bujua witigũ yeriro saha yuhũ pehere pajiro bujua witigũ yerari tiquiro. Tiquiro sa ñano yepegãta pajiro waro buhiri dahre duti dueraja.

⁶ Peyequina m̄sa mehna cjẽna tiquirore buhiri dahre tuhasañohti. To punota buhiri dahre duhuro cahmene tiquirore.

⁷ Tiquirore m̄sa buhiri dahreducugũ tutuaro bujua witiboaga tiquiro. Sa yero Cristo yere duhuboaga. Sa yena tiquiro ñaño yerire boya m̄sa. Tiquirore yedohoya tiquiro bucuegũ.

⁸ Sa yena tiquirore quehnoano yeya m̄sa tiquirore m̄sa cahĩñene tiquiro masigũ. M̄sa sa yegũ tutuaro cahmeaja yuhũ.

9 To pano musare ojoagu “¿Potota yahure yahuetari?” nigu sa ni ojoagu musare. Yahure musa yahutigũ ihña duagu musare sa ni ojoagu.

10-11 Yojopure tiquiro ñaño yerire musa bogũ ihñagu yahu gũhu tire boutja. Yahure ñano yerahye tiquiro. Musa pehere ñano yeahye. Tiquiro sa ijiepegũta tiquiro ñaño yerire boaja yahu gũhu. Musare quehnoano yedoho duagu Cristo ihñonopu tiquiro ñaño yerire boaja. Tire boaja Satana marine tiquiro yuhducaeratire. Tiquiro marine ñañene yegũ cahmene. Tire quehnoano masi-aja mari. Sa yena Jesu yequina tiquina ñaño yerire wacũducueraja mari, “Tiquinapu Satana yere yeari”, nina.

Troa wame tiri macapu ijiro Titore bocaeraro pajiro bujua witi tuhoutuahye Pablo

12 Sa yegu Troa wame tiri macapu esau Cristo yere buhegu wahagu. Topu yahu ijigũ peyequina masa quehnoaño buheyere tuho duayequina ijiri. Mari puhtoro tiquiro yedohoye mehna tiquiro yere yahu buheatiquina peyequina masa ijiri.

13 Sa ijiepegũta mari acayurore Titore bocaeragu pajiro bujua witi tuhoutu. Sa yegu to cjenare cohe ti tuhasagu Macedonia yehrapu wahu.

Cristo yedohoye mehna ñañene yeducueraja mari

14 Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegu Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ masina ijipihtiropu Cristore masare

masigũ yeaja mari. Sa tiqirore masiñe tiquina quehnoano tãhoture.

¹⁵ Cristo yequina ijina, Cohãcjũ pehere bucuẽgũ yeaja mari, ehme sitiye mari bucuero saha. Sa ye Cristo yequina mari ijiye ihña masine apequina Cohãcjũ yũhdũoatiquina. Apequina tiquina ñañe buhiri pecapũ wahatiquina gũhũ Cristo yequina mari ijiye ihña masine.

¹⁶ Cristo yequina mari ijigũ ihñañe, tiquina ñañe buhiri pecapũ wahatiquina pehe pecapũ tiquina wahatire masine. Cohãcjũ yũhdũoatiquina pehe marine Jesu yequinare ihñañe, ijipihtiye decori tiqiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcãquiro esa tuharo buhe sohtori tiriqiro ne mariedare. Cohãcjũ yedohoro mehnata tiqiro yere mari buhe masiaja.

¹⁷ Peyequina apequina Cohãcjũ yere buhemene niñerure wapata duaye. Ûsã pehe tiquina yero saha yeraja. Ni mehono marieno Cristo tutuaye mehna tiqiro yere buheaja usã. Cohãcjũ usãre cũgũ tiqiro ihñonopũ quehnoano buheaja usã.

3

“Ohõ saha yeitja”, Cohãcjũ ni cũrire wahma buheyere yahuahye Pablo

¹ ¿Pari turi usã ijiye tiyere mũsare yahuna nijari usã, mũsa tãhotugũ? Apequina mũsare tiquina buheato pano tiquina ijiye tiyere masi duana tiquina ojoari pũre cahme mũhtari mũsa. Ûsãre masi tuhasari mũsa. ¿Ûsãre masiepenata ti pũ borore cahmeajari mũsa? ¿O apequina cahapũ usã

buhena wahana ti pũ borore usãre neno cahmeajari, m̄usa t̄hotugũ?

² Ti pũ borore cahmedaja usã. M̄usa pehere ijipihtiyequina apequina ihñãñe m̄usare usã quehnoano buherire masieta. M̄usare usã buhegũ Cristo yequina iji d̄ucari m̄usa.

³ Cristo yequina m̄usa ijigũ ihñãñe masa m̄usare Cohãcjũ ye buheye warore usã queoro buherire masi tuhasare. M̄usare buhena Cohãcjũ yaquiro Espíritu Santo tiquiro yedohoye mehna buhei. Tiquiro Cohãcjũ catiriquiro waro ijire. Usã sa buhegũ t̄hona Cristore quehnoano cahmedi m̄usa. Sa cahmena m̄usa ijigũ apequina m̄usare ihñãñe Cristo yequina m̄usa ijiyere quehnoano masine. Sa masiñe m̄usare Cohãcjũ ye buheye warore usã queoro buherire masine masa.

⁴ Ahrire ijipihtiyere t̄hotuaja usã Cohãcjũre quehnoano wacũ tutuana. Cristo tiquiro yedohoye mehna sa wacũ tutuaducujaja mari.

⁵⁻⁶ “Usã esa tuharo ahri dahrayere yeaja usã”, ni masiedaja usã. Cohãcjũ tiquiro yedohoye mehna ye masiaja usã.

Yojop̄ure tiquiro yahuyere quehnoañe buheyere Cohãcjũ pehe quehnoano usãre buhe masigũ yere. Ahri buheye panop̄u tiquiro dutiye tiquiro ojoari yero saha ijierare. Quehnoañe buheye pehere buheaja usã. Panop̄u tiquiro dutirire mari esa tuharo ne ye masiedaja. Sa mari ye masiedari buhiri pecap̄u wahaboya mari. Quehnoañe buheye pehere t̄hona Cristore wacũ tutuaja. Sa yena ijipihtiyede decori Cohãcjũ mehna ijinata mari.

⁷ Cohãcjũ tiquiro dutiyere ʉtã pjĩnipũ ojoaro Moiserẽ cũahye. Tiquiro sa cũri bato tiquiro asi siteye bajuahye. Moise wãhdoa asi siteahye. Asi site yãhdãahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquiro wãhdoare masa ne ihñadoque ohõ masiedahye. Ti dutiyere masa tiquina ye peherari buhiri pecarũ wahatiquina ijiahye. Sa ye ti dutiye masare pecarũ waha dutiepetã, tutuaro asi siteye mehna iji dũcahye ti dutiye.

⁸ Ti dutiye yãhdũoro quehnoañe buheye pehe quehnoa yãhdãare. Ahri buheyere apequinare mari buhegũ tiquina quehnoano tãhogũ Espiritu Santo tiquina mehna ijirota. Sa ye panopũ cjẽ dutiye yãhdũoro Cristo ye pehe quehnoa yãhdãare.

⁹ Cohãcjũ dutiye panopũ cjẽ masare pecarũ waha dutiahye. Sa dutieperota Cohãcjũ tutuaye mehna tiquiro asi siteye mehna iji dũcahye. Ti yãhdũoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ.

¹⁰ Panopũ Cohãcjũ tiquiro dutiri pehe ihyo ijiye dutiye yero saha tojoa cãhre yojopũre quehnoañe buheye mehna mari ihña piti cagũ. Quehnoañe buheye pehe quehnoa yãhdãare. Ti buheye mehna ʉhmũsepũ mari waha masiaja.

¹¹ Panopũre tiquiro ye dutiye yoa cjũri pje asi siteye ijiducume, pihtia wahahye. Tĩ dutiye yãhdũoro quehnoañe buheye pehe quehnoa yãhdãare. Ti buheyere quehnoano tãhona, Cohãcjũ mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjã

usã. Moise pehe usã yero saha ijierahye. “ ‘Cohãcjũ asi siteye pihtiro nine’, Israe masa ni ihñari”, nino, tiquiro wãhdoare cahmotahye Moise. Bue tiro sa cahmotahye. Tiquiro yee tiriro saha bue tieraja usã pehe. Sa yena cuero marieno tiquiro yere quehnoañe buheyere buheaja.

¹⁴ Ti pjeru cjẽna Israe masa pehe ne masieda tiahye. Yojopu gãhare Cohãcjũ yere panopu tiquiro ojoari pũrine tiquina buheye, ne masiedare. Moise tiquiro wãhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵ Yojopu gãhare Israe masa Cohãcjũ dutiye Moise tiquiro cũrire buheye, tiquinare cahmotaro saha ne masiedare tiquina.

¹⁶ Mari pehe mari puhtoro cahmegũ tiquirota marine masigũ yere. Moise tiquiro wãhdoa cahmotarirore tiquiro ne cãboriro saha mari puhtoro marine tiquiro yere quehnoano masigũ yere.

¹⁷ “Mari puhtoro”, nigu Espiritu Santore nigu niaja. Cohãcjũ yaquiro Espiritu mari mehna tiquiro ijigũ pecapu wahaborinare tiquiro yãhdunorina iiaja. Sa yena “Panopu cjẽ dutiye mehna mari yãhdunata”, niedaja mari. Sa yena ti dutiyere duhuna, Espiritu Santo ye dutiye pehere yeaja mari.

¹⁸ Sa yena Jesu yequina ijina, Cohãcjũ yere masiaja mari. Tiquina wãhdoa pacare cahmotamehneñequina yero saha Cristo tutuayere ihñona niaja mari. Sa yero mari puhtoro Espiritu Santo marine quehnoañe pehere comesagũ yere.

Tiquiro sa yegũ Cristo quehnoa yãhdũariquiro tiquiro ijiro saha wahana niaja mari.

4

¹ Sa ye Cohãcjũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiquiro yere buhena caributieraja usã.

² Tiquiro yere buhena ni meje cũ buheraja. Sa yena usã tire comesaeraja. Sijoro saha cjũnogã buhena buoro yãhdũboaga. Sa yena tire buhe dueraja. Cohãcjũ ihñonopũ ijiaja usã. Sa yena quehnoañe buheyere quehnoano poto buheaja usã. Usã sa buhegũ ihñañe tire quehnoano masine usãre ihñañequina waro.

³ Usã buheyere quehnoañe buheyere buheaja usã. Usã tire buhepegũta apequina ne tũho duerare. Sa tũhoeyequina pecapũ wahatiquina ijire.

⁴ Satana ñariquiro ahri yehpa cjẽna pũhoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijiye tiyere marine masigũ yere. Tiquiro Cristo Cohãcjũ waro ijire.

⁵ Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari pũhoro”, ni buheaja usã. Usã pehe Jesure yãhtina ijiaja usã. Sa yena mũsare yedohoaja usã.

⁶ Panopũ ohõ saha niahye Cohãcjũ: “Nahitianopũre buhrioro ijiya”, ni, dutiahye tiquiro. Yojopũre tiquirota ijire marine tiquiro tutuayere masigũ yeriquiro. Buhrioro marine ti ihñagũ

yero saha, tiqiro tutuayere marine masigũ yere. Cristo Cohãcjũ tutuayere marine masigũ yere.

Cristo tutuaye mehna mari ijiaja

⁷ Sa masina ijina, tiqiro tutuayere apequinare masigũ yeaja. Sa yena ijiepenata tutueraja usã. Dihi sutu duita wahtiro ti butiro saha usã gãhũ tutueraja. Sa ijiepenata Cohãcjũ tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcjũ pehe tiquinare masigũ yere”, ni masieta apequina usãre.

⁸ Ijipihtiyequina apequina usãre ñano yepeta Cohãcjũ usãre tiqiro yedohogũ tiquina usãre yũhdũducaerare. Sa yena usã caributiepenata, Cohãcjũ yere ne yahu duhueraja.

⁹ Usãre tiquina ñano yeducuepegũta Cohãcjũ usãre sa yedohoducure. Usãre tiquina quẽdoque cũ mũjaepegũta tiqiro yedohoye mehna yarieraja usã.

¹⁰ Tiquina wejẽatina ijinata niaja usã, Cristo ahri yehpapũ tiqiro ñano yũhdũriro saha. Tiquina wejẽatina ijiducuna niaja usã Cristo catiducugũ yeriqiro tiqiro ijiyere masa tiquina masiato saha. Usã sa ñano yũhdũgũ ihñañe tire masieta masa.

¹¹ Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yũhdũaja usã Cristo catiducugũ yeriqiro tiqiro ijiyere apequina tiquina masiato saha. Usã paguri came yariaa waharota. Usã sa wahatina ijiepenata Cristore catiducugũ yeriqirore masigũ yeaja usã apequinare.

12 Sa ye musare usã buheri buhiri usã pehere apequina wejẽno cuarĩne. Usã buheyere musa tãhori bato ijipihtiye decori Cohãcjũ mehna iji-atina ijire musa.

13 Cohãcjũ yere tiquina ojoari pũpũ ohõ saha nine: “Cohãcjũre wacũ tutuagũ, tiquiro yere buhei”, ni ojoahye panopũ cjãno. Usã gãhũ sata yeaja. Cohãcjũre wacũ tutuana, tiquiro yere buheaja.

14 Ahri yũhũ niati gãhũre quehnoano masiaja usã: Cristo yariari bato Cohãcjũ tiquirore masoahye. Sa yero Cristo yequina mari ijigũ ihñano tiquiro mari gãhũre masonota. Tiquiro sa masori bato tiquiro cahapũ neanota marine.

15 Sa yena musare yedoho duana, ñano yũhdũaja usã. Sa yena Cristo yequina musa peyequina wahaana, peyequina musa Cohãcjũre bucueye mehna ño peonata. Tiquirore “Quehnoare”, ninata.

16 Musa sa wahagũ ihñana, usã ñano yũhdũepenata bujũa witieraja. Sa yena Cristo yere buhe duhueraja. Usã pagũ tutuaye decoripe pihti cãno nine. Usã tutuaye sa pihti cãepẽgũta quehnoano jeri sajãja usã.

17 Yojopũre ñano yũhdũepenata ñano yũhdũ dojoraja. Ti mari ñano yũhdũye pihtia waharota. Sa yena marine mehenogã ñano yũhdũro cahmene. Sa mari ñano yũhdũarina ijina, camerũre tutuaro bucueye mehna ijiducunata Cohãcjũ mehna. Sa yena mari ñano yũhdũari yũhdũoro pajiro bucueye mehna ijiducunata.

18 Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere

sa wacũducuaaja mari. Sa yena camep̃ mari quehnoano ijiatire bucueaja.

5

¹ W̃h̃are tiquiro cohãboriro saha came mari pag̃uri pehe butia waharota. Sa yero wahma w̃h̃are tiquiro yeboriro saha Cohãcjũ wahma pag̃urire yerota. Sa yero ti pag̃urire marine ohorota. Ti pag̃uri masa tiquina yeri pag̃uri ijierare. Sa yena ̃hm̃sep̃ sa ijiducunata ti pag̃uri mehna. Tire mari masiaja.

² Sa yena ti pag̃urire ̃hm̃se cjẽ pag̃urire tutuaro cahmena, mari sa cohteducuna niaja.

³ Suhtirore tutuaro mari saña duaro saha ti pag̃urire tutuaro cahmeaja mari. Sata cohteaja mari pag̃uri mariena iji duerana.

⁴ Yojop̃are ahri pag̃urire cohã duerapenata wahma pag̃uri pehere tutuaro cohteaja mari. Yojop̃are mari pag̃urire cohã duerapenata ijipihtiye decori Cohãcjũ mehna mari ijiatire tutuaro cahmeaja mari. Sa yena ahri mari pag̃uri yariati pag̃uri ti ijigũ masina, wahma pag̃uri mehna Cohãcjũ mehna sa ijiducu duaja mari.

⁵ Mari sa ijiducuatire quehnoahye Cohãcjũ pehe. Sa quehnono tiquiro yaquiro Esp̃ritu Santore ohori marine. Sa yero tiquiro yaquiro Esp̃ritu Santo mari mehna ijiro, marine Cohãcjũ tiquiro yeatire “Poto tjire”, nino, marine masigũ yere tiquiro.

⁶ Sa yena Cohãcjũre wacũ tutuaducuaaja mari. Cuero marieno ijiaja mari. Ahri mari iji m̃htari pag̃ur̃ ijina, mari p̃htoro mehna ijieraniaja.

⁷ ʘhmuse cjēne Cohãcjũ gũhare mari ihñedapenata “Ti potota ijire”, ni tuhoutuaja mari. Sa yena tiquireore wacũ tutuaja mari.

⁸ Sa yena mari cueraja. Mari pagurire ahri yehpapũ cohãna mari puhtoro mehna ʘhmusepũ ijiducunata mari. Sa yero mari yariagũ quehnoanota marine.

⁹ Sa yena Cristore bucuegũ ye duaja mari. Ahri yehpa cjã pagũ mehna ijinina tiquireore bucuegũ ye duaja. ʘhmusepũ gũhare tiquireore bucuegũ ye duaja.

¹⁰ Ijipihtina Cristo cahapũ mari wahagũ ihñano tiquireo mari yerire ihñano marine beserota. Ñano mari yerire masinota tiquireo. Sa masino marine tiquireo ohoborire marine ohosi tiquireo. Quehnoañene mari yeri gũhare masinota. Sa masino bucuero marine quehnoano yerota. Tiquireo sa masidiquireo ijigũ ihñana tiquireore bucuegũ ye duaja mari.

Cohãcjãre mari ihña tuhtigũ ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja ʘsã masare. Tiquinare cuesãna, tiquireore wacũ tutuagũ ye duaja ʘsã tiquinare. Quehnoano mehna tire ʘsã buherire Cohãcjũ quehnoano masine. ʘsã sa buherire mʘsa gũhare quehnoano masigũ cahmeaja yuhũ.

¹² Pari turi quehnoana ʘsã ijiye tiyere mʘsare yahuna niedaja. “Apequinare yuhducaja”, niñequinare mʘsa yahuati pehere quehnoano mehna ʘsã buherire yahuna niaja ʘsã mʘsare.

Tiquina pehe tiquina wacũñepu ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna musa bucueati pehere ahri ijipihiyere musare yahu ojoana niaja. “Pablo gũhu usãre quehnoano mehna buhere”, usãre apequinare musa ni cahmotati pehere ahri ijipihiyere musare yahu ojoana niaja.

¹³ ¿Usã ohõ saha ni yahuna tuho masiena ijiajari usã, musa tuhutugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja musare yedoho nemonata tana.

¹⁴ Cristo marine tiquiro cahĩgũ ihñana musare sa yedohoaja. Tiquiro sa cahĩgũ ihñana tiquiro yere sa yahuducujaja usã. Ihcãquiota Cristo ijipihitina mari ñañe buhirire yariari jiri. Tiquiro sa yariari bato mari pehe ijipihitina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ.

¹⁵ Ijipihitina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri.

¹⁶ Sa yena yojopure usã esa tuharo masare “Quehnoañequina ijire. Ñañequina ijire”, ni ihñedaja usã. Panopu usã esa tuharo yee timi. Sa yena Cristore masiedu. Yojopure Espiritu

Santo yedohoye mehna tiquireore quehnoano masi tuhasaja.

17 Sa yena Cristo yequina wahana quehnoañe pehere yena wahaja mari. Panopu mari esa tuharo mari yemedire duhu cja mari. YojoPURE quehnoañe pehere comesana tire yeaja mari.

18 Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquireo. Sa yegũ yeri Cohãcjũ Cristore. Sa yero usãre tiquireo yere buhe dutiro cũri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũhu.

19 Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquireo ijieperota tiquireo marine tiquireo yequina ijigũ yere”, ni yahu dutiri Cohãcjũ usãre.

20 Sa yena Cristo yere buheanaja tiquireo cũrina ijiaja usã. Cohãcjũ musare tiquireo yahuboriro saha usã pehe ohõ saha ni musare yahuaja: Cristore yahu basana niaja. Sa yena musare ihña tuhtieragũ yeaja. Cohãcjũre musa ihña tuhtiyere to punota duhuya.

21 Cristo tiquireo ñañene yerapegũta Cohãcjũ pehe tiquireore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjũ tiquireo pehere. Sa yero Cristo yequina mari wahagũ Cohãcjũ yero saha quehnoana marine ijigũ yere tiquireo.

6

¹ Cohãcjũre yedohona ijiaja usã. Sa yena ahrire tutuaro m̄sare ye dutiaja usã. Cohãcjũ yere quehnoañe buheyere m̄sa t̄horiro sahata yeya m̄sa. M̄sa t̄horiro sahata m̄sa yeragũ ti m̄sa t̄hori d̄hseati ijierare.

² Ohõ saha nine Cohãcjũ:

M̄sare ȳh̄ quehnoano yeati pjere m̄sa siniñene t̄ho ȳhtiitja. Sa yeḡ m̄sare ȳh̄ ȳhd̄oati decore m̄sare yedohoutja, nine tiq̄iro.

T̄hoya m̄sa. Yojoṗ̄re Cohãcjũ m̄sare tiq̄iro quehnoano yeati pje ijire. Yojoṗ̄re Cohãcjũ m̄sare tiq̄iro ȳhd̄oati deco ijire.

³ Ne mehenogã apequinare ñano yeraja usã. Apequinare ne ñano ni yahuducueraja, “Quehnoañe buheye pehere cahmedari”, nina.

⁴ Sa yena Cohãcjũ cahacjãna usã ijiyere m̄sare masigũ ye duaja. Sa yena ohõ saha ijiaja usã: Ñano ȳhd̄na, apee borore c̄oerana sa t̄hotu cjã. Usãre tiquina ñano yepegũta usuaro marieno ijiaja.

⁵ Ohõ saha ñano ȳhd̄usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina sañuducugũ ñano ȳhd̄usã. Usã tutuaro dahra wahyia ȳhd̄na, w̄jua purĩepẽgũta carĩedana, w̄jua ahbana ñano ȳhd̄usã.

⁶ Numia mehna ñano yer̄. Sa yena Cohãcjũ yere quehnoano masiñe mehna buhei m̄sare. Sa yena ne usuer̄ usã. Sa yena quehnoano cahĩñe mehna yei usã m̄sare. Sa yena Cohãcjũ cahacjãna usã ijiyere m̄sare masigũ yena nii usã. Espĩritu Santo tiq̄iro yedohoye mehna Cohãcjũ cahacjãna usã ijiyere masigũ yena nii m̄sare. Sa yena poto

m̄sare ʉs̄a cahĩgũ ihñana, tiquiro cahacjãna ʉs̄a ijiyere masine m̄sa.

⁷ Sa yena quehnoañe buheyere m̄sare poto ʉs̄a buhegũ ihñana, Cohãcjũ tutuaye mehna ʉs̄a yegũ ihñana tiquiro cahacjãna ʉs̄a ijiyere masine m̄sa. Quehnoañe pehe ijipihtiye ʉs̄a yeri ʉs̄a wamoa yero saha ijire quehnoano ʉs̄a cahmotati pehe. Tire quehnoañene yena watĩnore ʉs̄a cahmotana niaja. Sa yena ti quehnoañene ʉs̄a yeri mehna tiquirore ʉs̄a yuh̄ducaja.

⁸ Apequina ʉs̄are ño peore. Apequina pehe ʉs̄are ño peerare. Apequina ñano ni yahuducure ʉs̄are. Apequina pehe quehnoano ni yahuducure ʉs̄are. Poto ʉs̄a buhepegũta “Ni mehoñequina ijire”, ni yahus̄are apequina ʉs̄are.

⁹ Apequina ʉs̄are ihña masiñequina yero saha yere. Ihquẽ tahari ʉs̄are masieñequina yero saha yere. ʉs̄are tiquina wejẽ duepegũta catiniaja ʉs̄a. Ihñaña ʉs̄are. Ijirota ijire. Tiquina wejẽ dutinohrina ijiepenata, yarieraniaja ʉs̄a.

¹⁰ ʉs̄a ihquẽ tahari bujua witina ijiepenata, sa bucueducuaja. Pejecuona ijiepenata apequinare quehnoañe buheyere buhena tiquinare pajiro doreri cjẽne ʉs̄a ohoboro saha yena niaja tiquinare. Apee boro cuoena ijiepenata, potota Cohãcjũ ye pehere cuo peho cjã ʉs̄a.

¹¹ Ne Corinto cjãna yuh̄u acaye, m̄sare quehnoano mehna yahu peho ojoa ʉs̄a m̄sare. M̄sare tutuaro cahĩna, sa yahuu m̄sare.

¹² ʉs̄a pehe m̄sare cahĩ duhueraja. M̄sa pehe ʉs̄are cahĩeda cjũre.

¹³ Sa yegũ pohna tigu yuh̄u pohnare yuh̄u yahuboro saha m̄sare yahutja: M̄sare ʉs̄a

tuhoturiro sahata m̄sa ḡh̄u sata quehnoano tuhutuya ʘs̄are. Sa yena ʘs̄are cahĩña m̄sa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare m̄sa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare.

¹⁵ Sa yero Cristo watĩno mehna ihcãno saha tuhoturare. Sa yero Cristo yaquiro, Cristore cahmeediquiro mehna quehnoano cahme piti ti masiedare.

¹⁶ Cohãcjũ w̄h̄p̄u “Cohãcjũ ijire”, tiquina niñe queoyere mari c̄ogũ ñarĩne. Ti w̄h̄p̄u ti queoyere mari c̄gũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ ḡh̄re ñarĩne. Ti cururi p̄a curua ihcãno mehna iji masiedare. Cohãcjũ catiriquiro tiquiro ya w̄h̄u yero saha ijiaja mari. Ti w̄h̄p̄u tiquiro ijero saha mari mehna ijire tiquiro. Ohõ saha nine Cohãcjũ:

Tiquina mehna ijigutja ȳh̄u. Sa yeḡu tiquina watoa sa ijiducugutja. Ȳh̄u Cohãcjũ tiquina p̄hto ijigutja. Sa ye tiquina pehe yeequina masa ijietta, nine tiquiro.

¹⁷ Sa yero ohõ saha ni nemore tiquiro mari p̄htoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare

tiquina ñañene ne piheracãhña. Sa yegũ yũhũ pehe m̃sare piti tigũtja.

18 Sa yegũ m̃sa Pacũ ijigũtja. M̃sa pehe yũhũ pohna ijinata, nine Cohãcjũ mari pũhtoro tutua yũhdũariquiro.

7

1 Yũhũ acaye, yũhũ cahĩna, m̃sare ahrire yahutja: Ahri ijipihtiyere Cohãcjũ tiquiro sa ni yahugũ tũhona ijipihtiyere mari ñañene yeyere duhuuhna. Sa yena mari ñañene wacũñe gũhũre duhuuhna. Sa yena Cohãcjũre quehnoano ño peoye mehna ñano yero marieno ijihna mari.

Pablo bucueye mehna yahuahye Corinto cjẽnare

2 Quehnoano mehna ijiya m̃sa usã mehna. Ne mehenogã mehna ñano yerũ usã m̃sare. Sa yena usã buheye mehna m̃sare ñano yegũ yerũ usã. Ne ihcãquiro m̃sa mehna cjũnore ni mehoñe mehna wapa cahmedũ.

3 Sa nigũ “Usãre wapa yerari. Sa yena buhiri tina ijire m̃sa”, nigũ niedaja m̃sare. M̃sare yahu tuhasaũ. M̃sare cahĩaja usã. Catinina ihcã curuata ijiaja mari. Mari yariari batopũ gũhũre ihcã curuata ijinata mari.

4 Quehnoano m̃sa yerire masiaja yũhũ. Sa yegũ m̃sare wacũdoqueogũ bucueaja. Sa yena usã ñano yũhdũari watoa m̃sa pehe yũhũre pajiro bucuegũ yeri.

5 Sa ye Macedonia yehpapũ usã esari bato topũ ijina, ne soerũ usã. Topũre ñano yũhdũũ usã. Apequina usã mehna cahmeque duari. Sa yena

“Cristo yere duhuari”, nina Cristo yequina pehere cuesã nii usã.

⁶ Usã sa ñano yuhdæpegũta Cohãcjũ usãre bucuegũ yeri. Tiquiro bũjua witiyequinare bucuegũ yeriquiro ijire. Sa yero Tito usã cahapũ tiquiro wihiro mehna usãre bucuegũ yeri Cohãcjũ.

⁷ Tito wihigũ ihñana bucuei. Ahri gãhure bucuei. Mũsare tiquiro quti yahugũ gãhure tutuaro bucuei usã. Yũhure mũsa ihña duarire yahuri usãre. Yũhure mũsa wacũe ti bũjua witiri gãhure yahuri tiquiro. Tiquiro sa ni yahugũ tũhogũ tutuaro bucuei yũhũ.

⁸ To pano yũhũ ojoari pũ mehna mũsare bũjua witiigũ yemi. Sa yerigũ ijiepegũta bũjua witierraja yũhũ pehe. Ti pũre mũsa buheri bato bũjua witiñohti mũsa. Sa yena mehenogã bũjua witi, duhuñohti mũsa. Sa yegũ coã oja mũhtagũ bũjua witipegũta yojopũre bũjua witierraja.

⁹ Yojopũ pũritare bucueaja yũhũ. Mũsa bũjua witiigũ tũhogũ bucueraja. Sa ijiepegũta sa bũjua witiina, quehnoañe pehere comesañohti mũsa. Sa yero mũsa bũjua witiigũ ihñano, Cohãcjũ pehe mũsare quehnoañene comesagũ yere. Sa yena mũsare bũjua witiigũ yena, ñano ye dojomehnena niedũ usã mũsare.

¹⁰ Sa yena Cohãcjũ tiquiro cahmeno saha bũjua witiina, mari ñañene bũjua witiinata. Quehnoañe pehere comesanata. Sata mari bũjua witiigũ ihñano marine pecapũ wahaborinare yuhdũore Cohãcjũ. Mari sa bũjua witiigũ quehnoarĩne marine. Cristore cahmeeñequina pehe tiquina ñañene bũjua witierrapeta, sa bũjua witi maca cã, pecapũ waha-tiquina ijinine.

11 MUSA pehe Cohãcjũ tiquiro cahmeno saha bujma witiñohti. MUSA sa bujma witina ohõ saha yeñohti MUSA: Yojopure ñañene yeyequinare sa ihña cãedañohti MUSA. Tiquinare duhu dutiñohti MUSA. Sa yena tiquina ñañe yeyere cueñohti MUSA “Tiquina yero saha yeari”, nina. Sa yena yahure ihña duañohti MUSA. Sa yena ñañene yeriquirore buhiri dahre duañohti MUSA. Ti ijipihtiyere MUSA yena yojopure poto yena MUSA ijiyere masigũ yeri MUSA usãre.

12 Panopu ñano yeriquirore MUSA yahu ojoaepẽguta tiquirore yedohogu tagu sa ni yahu ojoaeru. Tiquiro ñano yenhriquiri gũhure yedohogu tagu sa ni ojoaeru. MUSA pehere yedohogu tagu ti pũre ojoau. Usãre quehnoano ño peore MUSA. Tire MUSA ño peorire quehnoano MUSA masiatire ti pũre ojoau MUSA. Cohãcjũ tire MUSA masigũ cahmene.

13 Sa yena Tito MUSA yerire tiquiro quiti yahugũ tũhona tutuaro bucuei usã.

Tito gũhu tutuaro bucueri. Tiquirore MUSA quehnoano mehna MUSA piti cagũ tũhona, MUSA mehna tiquiro bucuerire tũhona usã gũhu quehnoano bucuei.

14 Coã waropu MUSA cahapu tiquiro wahato pano MUSA mehna yũhu bucuerire, quehnoana MUSA ijirire yahuu tiquirore. Sa yena yũhu nidiro sahata quehnoano yeñohti MUSA tiquirore. Sa yegu tiquirore yũhu nidire bue tieraja. MUSA yere poto sa yahuducujaja usã. Ohõ saha Tito gũhure poto usã yahuu MUSA tiquiro ihñariro saha.

15 MUSA cahapu tiquiro esagũ ño peoye mehna tiquirore piti cañohti MUSA. Sa yena quehnoano

yuh̄tina yuh̄dūdūcaro mariena m̄sa ijigũ ih̄ñañoh̄ti tiquiro. Sa yero m̄sare cah̄ĩ nemore tiquiro.

¹⁶ Yojop̄are quehnoano yuh̄tina, Coh̄ãcjũ cahmeno saha m̄sa quehnoano ye pehona m̄sa ijigũ quehnoano masiaja yuh̄h̄. Sa masiḡu tutuaro bucueaja.

8

Cristo yequina ijina, pejec̄oyequinare sa oho cãno cahmene marine

¹ Ūsã acaye, ahri yuh̄h̄ yahuatire m̄sare masigũ cahmeaja ūsã. Cristo yequina Macedonia yehpa cj̄ẽna Coh̄ãcjũ cahĩne mehna tiquiro paja ih̄ñañe mehna tiquina yerire m̄sare yahutja.

² Tiquina ñano yuh̄dūepeta, niñeru marieñequina ijiepetata cahĩno marieno sa oho cãhri pejec̄oyequinare Jesu yequinare. Cristo mehna tutuaro bucueyequina ijiye, tiquina Judea yehpa cj̄ẽnare quehnoano mehna tiquina c̄oyere sa oho cãhri.

³ M̄sare niita niaja. Tiquina c̄oro puno ohori. Ijierare. Bui cj̄ũnogã ohori. Ūsã sini basaerap̄egãta pejec̄oyequinare ohori tiquina.

⁴ Coh̄ãcjũ yequinare pejec̄oyequinare tutuaro yedoho duaye, tiquinare tiquina ohoatire nea dutiri ūsãre.

⁵ “Ohõ puno ohoeta”, tiquinare ūsã ni t̄hoturiro bui cj̄ũnogã ohori tiquina. Ohõ saha yeri tiquina: Coã warore niñerure tiquina ohoato pano mari p̄h̄toro Cristo cahmeno saha ye pehori jiri tiquina. Sa ye Coh̄ãcjũ cahmeno saha ūsã ḡuh̄re

ño peoye mehna yãhtiri jiri. Sa yeyequina ijiye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: “Corinto cjẽnare m̃h̃h̃ buhe d̃cariro sahata quehnoano mehna pejec̃oyequinare tiquina ohoatire buhe pehoya”, nii usã tiquirore. M̃sa g̃h̃h̃ apeq̃uinare paja ihñana, m̃sa yedohoatire sa nii tiquirore.

⁷ Sa yena m̃sa pehe ijipihtiyere quehnoano yena iji tuhasare: Cristore potota quehnoano wacũ tutuare m̃sa. Sa yena tiquiro yere quehnoano yahure m̃sa. Sa yena Cohãcjũ yere quehnoano masine m̃sa. Sa yena Cohãcjũ cahmeno saha tutuaro ye duare m̃sa. Sa yena usãre cahĩne m̃sa. Ohõ saha quehnoano yena iji tuhasare m̃sa. M̃sa sa quehnoana ijiepegũta mehenogã d̃hsare m̃sare. Pejec̃oyequina p̃ritare m̃sa paja ihñagũ cahmeaja usã. Sa yena cahĩno marieno tiquinare quehnoano mehna m̃sa pajiro ohogũ cahmeaja usã.

⁸ Sa nigũ m̃sare dutigũ niedaja. Sa ni yahugũta niaja m̃sare. Apeq̃uina pejec̃oyequinare tiquina tutuaro yedohorire m̃sare yahugũ niaja. “¿Potota paja ihñana ijiajari m̃sa?” ni, masi duagũ niaja.

⁹ Mari pãhtoro Jesucristo pehe marine tiquiro paja ihñarire masine m̃sa. Ti ijirota ijire. Tiquiro ãhm̃sep̃h̃ pajiro c̃oriquiro ijieperota ahri yehpap̃h̃ ahtaro pejec̃oriquiro wahahye. Sa yero mari ye ijiatire yariaro pejec̃oriquiro wahahye. Ohõ saha wahahye tiquiro mari pehe tiquiro yere pajiro mari c̃oatire, tiquiro mehna mari sa ijiducuatire.

¹⁰ M̄sare sa yahuḡta niaja. Ohõ saha t̄hotuaja ȳh̄ pehe: Ihcã c̄hma wahare m̄sa oho duaḡ. M̄sa pehe pejec̄oyequinare oho dua m̄htamedi. Sa yena tiquinare oho m̄htaborina ijimedi m̄sa.

¹¹ Sa yena m̄sa ye duariro saha yojop̄re sohtori tiya. M̄sa oho dua m̄htariro saha yojop̄re quehnoano oho pehoya. Sa yena pajiro c̄ona ijina pajiro ohoya. Mehenogã c̄ona ijina mehenogã ohoya.

¹² Tutuaro m̄sa oho duaḡ tire m̄sa ohore Cohãcj̄ bucuero. Sa yena noho m̄sa c̄oro puno ohoya. M̄sa ohoro punota bucuero Cohãcj̄. “Pejec̄oyequinare m̄sa c̄oye ȳhd̄oro ohoya”, m̄sare nino niedare Cohãcj̄.

¹³ “Pejec̄oyequinare ohoya”, niḡ tiquinare pajiro c̄o dutiḡ niedaja. Sa yeḡ m̄sa pehere pejec̄oro ye dueraja.

¹⁴ M̄sare ihcãno saha c̄o dutiḡ sa niḡ niaja. Yojop̄re m̄sa pehe pajiro c̄ore. Sa c̄ona apee boro marieñequinare oho masine m̄sa. Came m̄sare apee boro mariedaḡ tiquina ḡh̄ oho masine m̄sare. M̄sa sa cahme ohona ihcãno saha c̄onata ijipih̄tina Cristo yequina.

¹⁵ Ohõ saha nine Cohãcj̄ yere tiquina ojoari p̄r̄: “Pajiro nediquiro ḡh̄ apeq̄ina bui cj̄nogã c̄oerari. Mehenogã nediquiro ḡh̄re ne mehenogã d̄hsaerari”, nine Cohãcj̄ yere tiquina ojoari p̄r̄.

Tito tiquiro mehna cj̄na mehna Corintop̄ wa-hahye

16 Sa ye m̄sare ȳh̄u yedohoriro sahata Tito ḡh̄u m̄sare yedoho duare. Cohãcjũ pehe tiquiro yedoho duagũ yeri tiquirore. Tiquiro sa yegũ ihñagu “Quehnoare”, n̄aja Cohãcjũre.

17 Titore m̄sa cahap̄u usã waha dutigũ tiquiro quehnoano mehna ȳhtiri. Sa yero tiquirore usã waha dutiatio pano tiquiro basita m̄sa cahap̄u tutuaro waha duariquiro iji tuhasari.

18 Tiquirore apequiro Jesu yaquiro mehna piti dahrei usã tiquirore. Tito mehna cj̄n̄ore ij̄ipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ij̄igũ ihñañe tiquirore quehnoano ño peore.

19 Sa ye Jesu yequina tiquirore cahmene usã mehna tiquiro tinino wahagũ. Tiquina ye niñerure pejec̄oyequina cahap̄u usã neagũ usã mehna wahatiquirore cahmene tiquirore. Sa ye ti niñerure usã ohogũ ihñañe “Marine yedohoriquiro ij̄ire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare.

20 Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire, “Usãre yahusãri”, nina.

21 Mari p̄htoro tiquiro ihñonop̄u queoro, quehnoano ye duaja usã. Sa yena masa tiquina ihñono ḡh̄ure queoro ye duaja.

22 Sa yena tana apequirore mari acaȳrore ohonatja Tito ḡh̄u mehna. Usã piti dahreriquirore peye tahari apequinare tiquiro quehnoano yedohogũ ihñau usã. Sa yero yojop̄ure m̄sa pehe apequinare m̄sa yedoho duagũ ihñano

to pano tiquiro yeriro yuhduro quehnoano musare yedoho duare.

²³ Tito pehere musare yahutja. Tiquiro yuh mehna cjano ijire. Musare yuh yedohogũ tiquiro yuh mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire.

²⁴ Sa yena cahño mehna quehnoano mehna tiquire piti caya musa. Musa sa yegũ ihñañe apequina Jesu yequina quehnoañequina pehe musa cahñene masieta. “Quehnoano piti caeta Corinto cjena”, ni yahu tuhasa apequire. Musa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

9

Jesu yequire pejesoyequinare tiquina ohoatire yahuahye Pablo

¹ Sa yena Cohãcjũ yequire musa yedohoatire musa ohoatire masi tuhasare musa.

² Apequire musa yedoho duagũ masiaja yuh. Sa masigũ Macedonia yehpa cjenare ohõ saha ni yahu: “Corinto cjena Jesu yequina pehe apequire yedoho dua tuhasari. Ihcã cãhma yhdre tiquina yedoho duari”, ni yahu tuhasa tiquire. Musa sa yedoho duagũ tãhoye peyequina tiquina gũh pejesoyequinare yedoho duari.

³ Musare sa ni yahugũ yojopre ahriquire mari acayere musa cahapũ ohogũ tagũ niaja,

yuhũ yahuriro saha mũsa yeato. Sa yegũ pe-jecũoyequinare mũsa ohoatire mũsa cahmecoa cũoyuatire ahriquinare ohogũ niaja.

⁴ Tiquinare ohoeragũ Macedonia yehpa cjẽna mehna mũsa cahapũ esagũ, mũsa ohoatire mũsa cũoeragũ ihñagũ bue tisãboaga yuhũ mũsare. “Pe-jecũoyequinare ohoeta”, mũsare yuhũ ni tũhoturi bato mũsa ohoeragũ ihñagũ bue tisãboaga yuhũ. Mũsa gũhũ bũoro yũhdũboaga.

⁵ Sa yegũ mũsa cahapũre yuhũ esato pano tiquinare mari acayere oho mũhtagũ niaja. “Pe-jecũoyequinare ohonatja”, to pano mũsa nidire mũsa cũoyuatire tiquinare oho mũhtagũ niaja. Mũsa ohoatire mũsa cahmecoagũ tiquina pehe mũsare yahueta. Mũsa ohoatire mũsa cũoyu tuhasagũ bucueye mehna mũsa oho duari ijigũ masiitja.

⁶ Sa yena ahrire wacũña mũsa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejecũoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.)

⁷ Sa yena ihquẽquina mũsa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ.

⁸ Tiquiro pehe mũsa cahmeno yũhdũoro mũsare ohorota. Sa yena ijipihtiye mũsa cahmemedire dũhsaro marieno cũo pehonata. Sa yero apequinare mũsa ohogũ gũhũre quehnoano esa tuharota mũsa cũoye.

⁹ Sata nine Cohãcjũ yere tiquina ojoari pũrũ:

Pejecꞥoyequinare pajiro ohore tiquiro.
Quehnoano mehna masare sa yeducure
tiquiro, nine tiquiro yere tiquina ojoari
pũꞥ.

10 Sa yero oteye dꞥca tiri bato oteriquiro tiquiro
oteati capere ohore Cohãcjũ. Came tiquiro oterire
dꞥca tigũ yere tiquiro ihyatire. Pejecꞥoyequinare
mꞥsa pajiro ohogũ oteriquirore tiquiro ohoriro
saha mꞥsa gũhꞥre pajiro ohorota Cohãcjũ. Sata
mꞥsare ohorota pejecꞥoyequinare mꞥsa oho
nemoatire.

11 Sata ijire. Pajiro ohorota mꞥsare apequinare
pajiro mꞥsa sa ohoducuatire. Sa ye mꞥsa
oho dutirire pejecꞥoyequinare usã ohogũ
peyequina tiquina pehe Cohãcjũre bucueye
mehna “Quehnoare”, nieta.

12 Sa yena pejecꞥoyequinare Cohãcjũ yequinare
ohona, tiquinare yedohore mꞥsa. Sa yedohona
bucueye mehna Cohãcjũre “Quehnoare”, tiquina
nigũ yenata mꞥsa.

13 Sa mꞥsa apequinare yedohogũ ihñañe,
Cohãcjũre ño peoye mehna yahuducueta masa.
Sa ye tiquinare apequina gũhꞥre pajiro mꞥsa
ohogũ ihñañe Cohãcjũre “Quehnoa yãhdꞥgꞥ
ijire mꞥhꞥ”, nieta masa. Ohõ saha nieta Cristo buheye
quehnoañe buheye ti nidiro sahata mꞥsa yegũ
ihñañe, tiquinare mꞥsa ohogũ ihñañe.

14 Sa ye Cohãcjũ mꞥsare tiquiro paja ihñano sahata
mꞥsa gũhꞥ tiquinare mꞥsa paja ihñagũ tiquina
pehe mꞥsare cahmeeta. Sa cahmeñe mꞥsare sini
basaeta Cohãcjũre.

15 Cohãcjũ marine quehnoa yãhdꞥaro yerota.
Tiquiro sa yeatire masina “Quehnoa yãhdꞥare”,

niihna mari tiquiore.

10

Jesu cūriquiuro tiquiuro ijiyere yahuahye Pablo

¹ Yojopare yahū Pablo, mūsare yahutja. Ihquēquina mūsa mehna cjēna ohō saha nine yahūre: “Mari mehna ijiro apequinare yūhdūca dueriquiro, ihyo ijiriquiro yero saha ijire. Sa ijieperota ape siepū ijiro marine cuero marieno tuhti ojadoqueore”, nine mūsa ihquēquina yahūre. Cristo pehe ne usueriquiro, masare quehnoano yeriquiro ijire. Tiquiuro yero saha yahū gūhū iji duaja.

² Sa yegū mūsare ahrire tutuaro mehna yahutja: Mūsa cahapū yahū esagū quehnoano yeya mūsa “Pablo usāre tuhtiari”, nina. Ihquēquina yahūre ohō saha nine: “Tiquiuro esa tuharo, Cohācjū dutiro marieno yere”, nine yahūre ihquēquina. Sa niñequina pūritare tuhtiboaga yahū.

³ Usā gūhū ahri yehpa cjānata ijina niaja. Sa ijiepenata ahri yehpa cjēna tiquina esa tuharo tiquina yero saha yeraja usā.

⁴ Surara cahme wejē tiquina yūhdūcariro saha usā pehe ñañene yūhdūca duaja. Ti ñañene ye dueraja. Usā sa yegū usā wamoa ahri yehpa cjēna tiquina wamoa yero saha ijierare. Surara tiquina wamoare tiquina cūoro saha usā pehe Cohācjū tutuayere cūoaja. Ti tutuaye mehna Cohācjūre cahme dutieyequinare cohāja usā. Masa tiquina esa tuharo tiquina masiñene ti dūhseati ti ijieragū masigū yeaja usā ti tutuaye mehna.

5 Sa yena ijipihtiyequina tiquina esa tuharo t̄hotuyequinare Cohãcjũre tiquina masi dutierarire duhugũ yeaja usã. Sa yena ti tutuaye mehna Cohãcjũre cahmeeñequinare Cristore quehnoano yuhtiyequina tiquina ijigũ yeaja usã. Cristo cahmeno saha tiquinare t̄hotugũ yeaja usã.

6 Sa yena apequina m̄sa mehna cjẽna Cristore tiquina yuhd̄ud̄ucagũ ihñana tiquinare buhiri dahrenatja usã. M̄sa pehe m̄sa quehnoano yuhtiri bato Cristore yuhd̄ud̄ucayequinare sa buhiri dahreatinata ijinata m̄sa.

7 Yuh̄u pagu dihitare masine m̄sa. Yuh̄u ijiye tiye pehere ne masiedare m̄sa. “Cristo yequina ijiaja”, nina ijina, ohõ saha masiña m̄sa: Usã gãhu m̄sa yero saha Cristo yequinata ijiaja.

8 “Mari puhtoro ye buheyere quehnoañe buheyere buhe dutiro, cūri usãre”, niḡu peye tahari m̄sare sa ni yahuepeguta bue tieraja yuh̄u. Usãre sa buhe dutiro m̄sare yedohoanajare cūri usãre. M̄sare dojomehneanajare cūno niedari usãre.

9 Ohõ saha poto ni yahuaja m̄sare “Cueari”, niḡu. Ahri yuh̄u ojoari pũre ihñana m̄sa ihña mariagũ cahmedaja.

10 Ihquẽquina m̄sa mehna cjẽna ohõ saha nine: “Pablo ojoaro d̄usero purĩniquiro yero saha ojoa m̄jare marine. Sa ijiriquiro ijieperota mari mehna ijiro ne sa ijiaga niediquiro ijire. Pejec̄oriquiro yero saha ijire. Sa yero marine tiquiro yahuducuye d̄hseati ijierare”, nine ihquẽquina.

11 Sa niñequinare ohõ saha ni yahutja: M̄sare usã ojoa ohoriro sahata yahumatja m̄sare m̄sa

cahapu ijina. Sa yena “Ohõ saha yenata”, usã ni ojoariro sahata yematja usã, musa cahapu ijina.

¹² Ihquẽquina musa mehna cjẽna “Quehnoano masi pehona ijiaja”, ni yahuducure tiquina basi. Yohou, quehnoa yuhduaro masiñequina ijiajari tiquina sa ni yahuducuye. Usã pehe tiquina yero saha ne sa nisi. Tiquina basi cahme ihña piti ca “Mari pehe quehnoa yuhducana ijiaja”, nine tiquina basi. Sa ni maca cãne nine tiquina basi.

¹³ Usã pehe tiquina yero saha yesi. Cohãcjũ usãre buhe duti tiquiro cõri dihitare yahuaja usã pehe musare. Apequina ye dahrayere “Yei”, nina niedaja. Cohãcjũ musare buhe dutiro usãre cõri.

¹⁴ Ohõ saha nina, ni mehona niedaja usã. Quehnoañe buheyere Cristo yere musare buhe mahana esau usã.

¹⁵ Sa yena apequina ye dahrayere “Usã pehe tire yei”, ne niedaja usã. Sa yena Cristore musa wacũ tutua nemogũ cahmeaja usã. Sa cahmena musare buhe nemo duaja usã. Sa buhena Cohãcjũ tiquiro cõriro punota buhe duaja musare.

¹⁶ Sa yena musa ya yehpa yuhduropu quehnoañe buheyere yahuna wahanatja. Sa wahana apequina tiquina buheri bato esana, “Usã buhei”, nisi usã.

¹⁷ Mari yerire “Usãta yeaja”, niedaro cahmene. Mari puhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene.

¹⁸ Masa tiquina basi “Usã pehe yei”, tiquina nigũ bucuere Cohãcjũ. Mari puhtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

11

“Jesu cūrina ijiaja usã”, ni mehoñequinare yahuahye Pablo

¹ Yuhũ ijiye tiyere yahugũ tuho masiegu yero saha yahugũ niaja. Yuhũ ijiye tiyere yahugũ mehenogã buẽ tiaja. Sa yahurigũ yuhũ ijiepegũta yuhũre tuhorĩña mũsa yojopũre.

² Cohãcjũ mũsare tiquiro cahĩno saha tutuaro cahĩaja yuhũ gãhũ mũsare. Sa yegũ mũsare cuesãja yuhũ “Ñañene yeari”, nigũ. Nuhmino omoca duhteaticoro umũno mehna ijiericoro quehnoaricoro ticoro ijiro saha quehnoana mũsa ijigũ tutuaro cahmeaja, Cristo dihitare mũsare cahme dutigũ. Sa yegũ Cristo cahapũ mũsa wahagũ ñañe mariena mũsa ijigũ cahmeaja.

³ Apequina ñañequina mũsare ni mehoñe, sijoro saha ijiye buheyere cahmegũ yeboaga mũsare. Pinono Evare ni mehono tiquiro masiñe mehna ticorore Cohãcjũre yuhduũcagũ yehye panopũre. Tiquiro sa yeriro sahata yojopũre ñañequina mũsare ni mehoñe, Cristore mũsare quehnoano ño peoeragũ yeboaga. Sa yegũ mũsare cuesãja.

⁴ “Ohõ saha ijiriquiro ijire Jesu”, tiquina esa tuharo sijoro saha ni meho buhepegũta tuhomene mũsa. Mũsare usã buheriro saha ijierapegũta mũsare ni meho buheyequinare tuhomene mũsa. Sa yena “Ohõ saha ijiriquiro ijire Espĩritu Santo”, tiquina esa tuharo sijoro saha ni meho buhepegũta tuhomene mũsa. Usã mũsare buheriquiro Espĩritu Santo waro ijire. Tiquiro pehere queoro tiquina yahuerapegũta mũsare ni

meho buheyequinare t̄homene m̄sa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire t̄homene m̄sa.

⁵ M̄sa mehna cj̄na “Jesu c̄rina ijiaja”, nimediquina ȳh̄re masi ȳhd̄d̄caerare. Tiquinare docad̄caeraja ȳh̄.

⁶ Quehnoano yahu mihniḡ ijeraboaga ȳh̄. Quehnoano yahu mihniedapeḡta Coh̄cj̄ yere quehnoano masiaja. Ȳh̄ sa masiñene peye tahari m̄sare quehnoano masiḡ yei.

⁷ Quehnoañe buheyere Coh̄cj̄ yere m̄sare buheḡ ne wapa cahmed̄. M̄sare yedoho duaḡ wapa cahmed̄. Ihyo ijiriquiro yero saha ijii ȳh̄. ¿Ȳh̄ sa wapa cahmedaḡ quehnoaedajari, m̄sa t̄hotuḡ?

⁸ M̄sare ȳh̄ buheḡ apeye macari cj̄na Jesu yequina ȳh̄re niñerure ohori. Tiquina sa ohoḡ ti niñerure ñeh̄i sinino marieno m̄sare buheḡ taḡ. M̄sa pehe ȳh̄re m̄sa ohoborire tiquina pehe ȳh̄re ohori.

⁹ M̄sa mehna ijiḡ apee boro ȳh̄re d̄hsaepeḡta m̄sare niñerure ne sinied̄. Mari acaye Macedonia yehpa cj̄na Jesu yequina ijipihtiye ȳh̄ cahmedire ne wihiri ȳh̄re. Panop̄re m̄sare ne cariboer̄ ȳh̄. Camer̄ ḡh̄re m̄sare ne caribosi.

¹⁰ Cristo potota tiquiro yahuriro sahata ȳh̄ ḡh̄ yojop̄re m̄sare potota yahuḡ niaja. Ijip-ihtiro Acaya yehpap̄ ijiyequinare ahri m̄sare ȳh̄ siniedarire sa yahuducuḡtja.

¹¹ ¿M̄sare ȳh̄ siniedarire apequinare ȳh̄ sa yahuducuḡ t̄hona, d̄hse t̄hotuajari m̄sa?

¿“Pablo sa yahuro usãre cahñedaró niaga”, ni tũhotuboagari mũsa? Ijierare. Mũsare cahñaja. Mũsare yũũ cahĩgũ Cohãcjũ masine.

¹² Wapa cahmeno marieno mũsare yũũ buhe dũcariro sahata sohtori tiitja. Yũũ buheri wapa yũũ wapa negũ ihñañe tiquina “Jesu cũrina iji-aja”, ni mehoñequina ohõ saha niboaga: “Pablo quehnoañe buheyere buhero, wapa cahmene. Sa yena usã gũũ tiquiro yero sahata yematja”, niboaga tiquina wapa cahmeñe.

¹³ Tiquina potota Jesu cũriquina waro ijierare. Tiquinare ne cũedari tiquiro. “Jesu cũrina iji-aja”, ni mehoñe, usã yero saha ijimene.

¹⁴ Tiquina sa ni mehoñequina ijigũ masi tuhasaja yũũ. Satana gũũ quehnoariquiro yero saha comesa mũjare. Tiquiro angel asi siteriquiro yero saha iji duaro comesamene.

¹⁵ Tiquiro sa yeriquiro ijigũ masigu, Satanare yedohoyequina “Jesu cũrina iji-aja”, ni mehoñequina Cohãcjũre yedohoyequina yero saha tiquina comesagũ ihñagu, ni mehoñequina tiquina ijigũ masi tuhasaja yũũ. Yojopũre tiquina sa comesaepẽgũta pihtiri deco ijigũ ijipihtiye tiquina ñano yeri buhirire buhiri dahrerota Cohãcjũ tiquinare.

Tiquiro ñano yũhdũrĩre yahuahye Pablo

¹⁶ Pari turi ahĩre mũsare yahutja. Ne “Tũho masieni-iquiro ijire”, yũũre niedacãhña. Yũũ sa ni dutierapẽgũta yũũre mũsa sa ni tũhotugũ quehnoanota yũũre. “Tũho masieni-iquiro ijire”, yũũre ni tũhotuẽpenata tũhorĩña mũsa yũũre.

Mehenogã yuhũ ijiye tiyere yuhũ yahugũ tũhoya mũsa.

17 Mũsare sa yahugũ tũho masiegũ yero saha yei niaja. Yuhũ ijiye tiyere yahugũ mehenogã bue tiaja. Mari puhtoro Jesu yuhũre “Mũhu basi mũhu ijiye tiyere yahuya”, niedare yuhũre.

18 Tiqũiro sa niedapegũta ahrire yahutja mũsare. Tiqũina esa tuharo “Quehnoana ijiaja”, niñequina tiqũina ijigũ ihñagu yuhũ gũhu yuhũ ijiye tiyere mũsare yahutja.

19 Mũsa pehe tũho masieñequinare tũhona bu-cueye mehna ihñare mũsa tiqũinare. Quehnoa yuhũdũaro masina ijiajari mũsa pehe sa tũhona.

20 Mũsare cahacjãna tiqũina yegũ, mũsa yere tiqũina ehmagũ, sa ihña cãhre mũsa. Sa yena mũsare tiqũina doca cũgũ, mũsa wahsupurire tiqũina quẽgũ sa tũhotu cãhre mũsa.

21 Quehnoa yuhũdũaro yeajari mũsare tiqũina. Ɖsã pehe tiqũina yero saha yuhũdũcaeraja.

Sa yena tiqũina yero saha yeraja. Tiqũina yero saha ijierapegũta tiqũina “Ohõ saha ijina ijiaja”, tiqũina nigũ tũhogũ yuhũ gũhu sata ni yahuboaga. Pari turi bue tiepegũta ohõ saha ni yahutja mũsare tja.

22 Tiqũina “Hebreo masa ijiaja”, nine apequinare masi yuhũdũca duaye. Hebreo masata ijiaja yuhũ gũhu. “Israe masa mari Pacũ tiqũiro beserina ijiaja”, nine tiqũina pehe. Tiqũina yero saha tiqũiro beserigũ ijimaja yuhũ gũhu. “Abrahã panamena iji turiana ijiaja”, nine tiqũina tja apequinare masi yuhũdũca duaye. Tiqũina yero saha Abrahã panami iji turiagũta ijimaja yuhũ gũhu.

23 “Cristo cahacjãna ijiaja”, nine tiquina pehe. Yũhũ gãhũ Cristo cahacjũta ijiaja. Tiquina yũhdũoro Cristo yere quehnoano yeaja yũhũ. Yohou, sa nigũ tũho masieniquiro yero saha yahuducugũ niaja. Sa yahuducugũ mehenogã buẽ tiaja yũhũ. Tiquina yũhdũoro tutuaro dahraũ yũhũ Cristo yere yegũ. Peye tahari tiquina yũhdũoro Cristo yaquiro yũhũ ijiri buhiri peresu yeri arequina yũhũre. Tiquina yũhdũoro peye tahari tanari yũhũre masa. Tiquina yũhdũoro Cristo yaquiro yũhũ ijiri buhiri masa yũhũre wejẽ duamedì. Sa yegũ mehenogã yũhdũũ variaborigũ.

24 Ihcã omope tahari judio masa yũhũre ñehedi. Yũhũre tiquina ñehere tahari treinta y nueve tahari yũhũre tanari.

25 Ihtia taha arequina yũhũre ñehedi. Sa ñehẽñe tiquina pũrita yũhũre ñano yucũri mehna quẽdi. Ape taha yũhũre arequina utã paca mehna doqueri. Ihtia taha yucũsa mehna utãrũ doque quehe sa, minii. Sa yegũ ihcã deco, ihcã ñami taboa pji bui pajiri ma decopũre ba pahsaũ.

26 Peye tahari macaripũre buhe tinigũ esaũ. Yũhũ sa buhe tinigũ cua yũhdũari yũhũre. Yũhũre minino cua yũhdũari. Yũhũre arequina yaquero cua yũhdũari. Ya dihta cjẽna judio masa, judio masa ijieyequina gãhũ yũhũre ñano yero cua yũhdũari. Macaripũ, masa marienopũ, pajiri mapũ gãhũre yũhũre yariaro cua yũhdũari. “Mũhũ mehna cjãna ijiaja”, ni mehoñequina gãhũ yũhũre ñano yero cua yũhdũari.

27 Cristo yere yegũ tutuaro dahrae tii. Sa dahragũ ñano wahyie tii. Peye tahari yũhũre wũjũa

ñano purĩepẽgũta sa dahraducue tii. Ñano ɱjua ahbae tii. Sa yegũ ñano aco wɱoe tirũ. Peye tahari ihyaye bocaera tii. Yũhũ suhti sañaboye gũhũ ne marieda tiri yũhũre. Sa yero yũhũre yũsua yũhdue tirũ.

²⁸ Sa ñano yũhduepegũta decoripe ijipihtiyequina apequina Cristo yequinare, mɱsa gũhũre pajiro wacũ tũhotuaja.

²⁹ Sa yegũ ihcãquiro Cristo yaquiro tiquiro sa iji cãriquiro ijigũ ihñagũ bujua witiaja. Apequina Cristo yaquirore ñano ye dutiboaga. Tiquina sa yegũ ihñagũ Cristo yaquirore cuesãgũ, tiquina ñañequina mehna usuaja.

³⁰ Yahu duerapegũta yũhũ ijiye tiyere yahugũ tagũ, yũhũ esa tuharo tutuegũ yũhũ ijiye tiyere mɱsare bucueye mehna yahuaja.

³¹ Cohãcjũ mari pũhtoro Jesu pacuro decoripe mari ño peoatiquiro tiquirola mɱsare yũhũ ni mehoedagũ masine. Ahrĩre mɱsare pota yahutja.

³² Damasco wame tiri macapũ yũhũ ijigũ ihñano, ihcãquiro pũhtoro yũhũre ñehe duamedì. Ijipihtiyequina masa pũhtoro Areta wame tiriquiro doca ijiriquiro pũhtoro pũrita yũhũre ñehe duamedì. Sa ñehe duaro ti maca cjã sahrĩno sopecaharipe surarare cohte dutimedì.

³³ Tiquina sa cohteri watoata yũhũ mehna cjẽna pajiri pũhũdupũ yũhũre duhu sã, ti sahrĩno cjã sopecahagãpũ yũhũre duhu dijiori. Ti sahrĩno behero pehepũ yũhũre duhu dijiori. Tiquina sa duhu dijiori bato duhti cãa wahaũ.

12

Pablo Cristo tiquiro ihñorire yahuahye

¹ Yũhũ ijijye tiyere bucueye mehna yũhũ yahugũ dũhseati ijierare. Sa ni yahugũ mehenogã bũe tiepegũta yahu nemoutja mũsare. Mari pũhoro Jesu yũhũre tiqũiro ihũorire tiqũiro masigũ yerire yahutja mũsare.

² Ohõ saha ihũo dũcari tiqũiro yũhũre: Catorce cãhmari waro wahare yũhũre Cristo yaquirore ahmũseperũ tiqũiro ne mũjari bato. Æhmũseperũ ñahpicoha buiperũ yũhũre ne mũjari. Yũhũ jeripohna dihitare tiqũiro negũ masiedaja yũhũ. O yũhũ pagũ gũhũre tiqũiro negũ masiedaja. Cohãcjũ dihita tire masine.

³⁻⁴ Sa yero paraíso wame tiropũ ne mũjari yũhũre. Yũhũ jeripohna dihitare tiqũiro negũ masiedaja yũhũ. O yũhũ pagũ gũhũre tiqũiro negũ masiedaja. Cohãcjũ dihita tire masine. Tiquiro sa ne mũjagũ esagũ topũre tiqũiro yahurire tũhou. Ti yũhũ tũhorire masa ne masiedare. Tiquiro yahurire yahu dutierare.

⁵ Ohõ saha yũhũre tiqũiro ihũorire mũsare yahugũ, “Yũhũ ihcũta apeqũnare yũhdũdũcaja”, niboaga yũhũ. Sa niedaja yũhũ. Yũhũ esa tuharo masiegmũ yũhũ ijijere, yũhũ tutuegmũ yũhũ ijijere bucuegmũ mũsare yahutja. Ti dihitare bucuegmũ mũsare yahutja.

⁶ “Apeqũnare yũhdũdũcaja”, mũsare ni yũhũ yahu duagũ yũhũ nidi potota ijiboaga. Sa yegũ sa ni yahugũ tũho masiegmũ ijieraboaga yũhũ. Sa ijierapegmũta “Ohõ saha apeqũnare yũhdũdũcaja”, ni yahusi yũhũ mũsare, “Cua pesa yũhdũaro yũhũre ihũari”, nigũ. Yũhũre ihũa masina ño peore mũsa. Mũsa ño peopegmũta ti yũhdũoro yũhũre mũsa ño peogũ cahmedaja.

⁷ Cristo quehnoa yuhduayere umusere yuhure tiqiro ihñogũ ihñarigu ijigu, “Arequinare yuhducaja”, niboaga yuhu pehe. Sa yuhu niedatire Satana yuhu pagure tiqiro duti dahregũ ihñano “Quehnoanota”, nidi Cohãcjũ. Yuhure duti dahreri Satana yuhure ñano wahagũ yero. Ahri dohatiye pota sajãno purĩno saha yuhure purĩne.

⁸ Ohõ yuhu dohatiyere yuhure yuhduo dutigu sinie timi Cristore mari pãtorore. Ihtia taha sinimi.

⁹ Ohõ saha ni yuhtie tiri yuhure tiqiro: “Ohõ mahu dohatiye pũritare mahure yuhduosi yuhu. Sa mahure yuhduoerapeguta mahure cahñaja. Yuhu cahñe mehna quehnoano ijiita mahu. Dohatigu tutuegu ijigu yuhu tutuayere quehnoano ihñoguta mahu. Tutuayequina yuhduoro mahu pehe yuhu tutuayere masare masigũ yeita mahu”, ni yuhtie tiri tiqiro yuhure. Tiqiro sa nigũ tuhogu tutuegu yuhu ijirire masigu bucueaja. Sa yegu tutuegu yuhu ijiyere musare bucueye mehna yahutja. Ohõ saha ni yahutja Cristo tiqiro tutuaye pehere musare yuhu quehnoano masigũ yeatire.

¹⁰ Sa yegu Cristo yaqiro yuhu ijiri buhiri yuhure purĩepẽgũta bucueaja. Arequina ñano yuhure tiquina yahu wajaepẽgũta, ña yuhduaro yuhduepẽgũta bucueaja. Yuhure tiquina ñano yeducuepẽgũta yuhure bujua witiğũ tiquina yepẽgũta bucueaja yuhu. Sa ñano yuhduepẽgũta Cristo tutuaye mehna ihcãno sahaja, tiqirore wacũ tutuagu. Sa yegu bucueaja.

Corinto cjenare Cristo yequinare pajiro bujua witi tãhotuahye Pablo

11 Yuhũ ijiye tiyere yahugũ mehenogã bue tiaja yuhũ. Yuhũ sa yahuepegũta ti mũasa ye buhiri ijire. Mũasa pehe yuhũ ijiye tiyere apeqinare quehnoano yahuboaga. Yuhũ esa tuharo ijigũ dũhseacjũ ijieraboaga yuhũ. Sa ijiborigũ ijiepegũta “Jesu cũrina, masi pehona ijiaja”, ni mehoñeqinare docadũcaeraja yuhũ.

12 Potota ñano yũhdũrigũ ijiepegũta Cohãcjũ tu-tuaye mehna ye ihñomi mũasa. Sa ihñogũ Jesu cũrigũ yuhũ ijiyere ihñogũ nimi mũasa.

13 Apeye macari cjẽnare Jesu yequinare mũasa gũhũre ihcãno saha yee timi yuhũ. Sa yepegũta mũasa pehere sijoro saha cjũnogã yemi. Mũasa dihitare cariboerami. Mũasa dihitare apee boro gũhũre siniedami. ¿Yuhũ sa siniedagũ ñaniajari, mũasa tũhotugũ? Ti ñaũe ijigũ ti ñaũene boya mũasa yũhũre.

14 Ahri yuhũ yahuatire tũhoya mũasa. Pũa taha mũasa caharũ yuhũ esari bato pari turi waha du-aja tja. Topũ esagũ mũasa caribosi yuhũ. Apee borore sinisi yuhũ mũasa. Mũasa yere cahmedaja. Cristo ye pehere mũasa yũhtigũ cahmeaja yuhũ. Masa pohne pehe tiquina pacũsũmũare tiquina cahmeñene ohoerare. Tiquina pacũsũmũa pehe tiquina pohne cahmeñe pehere ohore. Ohõ saha mũasa yuhũ pohna yero saha ijina yuhũ cahmeñe pehere ohosi mũasa.

15 Sa yegũ yuhũ pũrita yuhũ cũoye pehere oho du-aja mũasa yedohogũ tagũ. Mũasa cahacjũno yero saha iji duaja mũasa yedohogũ tagũ. Mũasa pehere yuhũ tutuaro cahĩepẽgũta yuhũ pehere mũasa mehenogã cahĩne, yuhũ tũhotugũ.

16 Sa yegũ mũasa mehna ijigũ mũasa cariboerũ.

¿Sata ijiyari yuhũ, m̄sa t̄hotugũ? Yuhũ sa ijipegũta ihquẽquina m̄sa mehna cjẽna ohõ saha niboaga: “Pablo apee borore marine ne duaro ni mehorì marine”, niboaga.

17 ¿M̄sa sa nidiro saha yerigũ ijigũ, dahse tire yearì yuhũ, m̄sa ihñagũ? ¿M̄sa cahapũ yuhũ ohoriquina yabe borore yuhũre ni meho ehma basarì tiquina m̄sare, m̄sa ihñagũ? Ni meho ehmedarì jiri.

18 Sohõ ijiri pjerũ m̄sa cahapũ Titore waha duti tuhasaũ tiquirore. Sa yegũ apeqirore Cristo yaquirore tiquiro mehna piti dahre ohou. ¿Tito apee borore m̄sare ni meho ehmarì, m̄sa ihñagũ? Ni meho ehmedarì jiri. Tiquiro yuhũ yero saha Cohãcjũ cahmeno saha yeriquiro ijire. ¿Sa yero yuhũ yero saha yerarì tiquiro, m̄sa ihñagũ? Yuhũ yero saha yeri jiri.

19 “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjũ tiquiro ihñonopũ m̄sare yahuna niaja. Yuhũ acaye, yuhũ cahña, m̄sare yahuu m̄sa pehere yedoho duana. M̄sare yahuna, usã pehere m̄sare cahmegũ yena niedũ.

20 Topũ yuhũ esagũ yuhũ cahmeno saha yerapena ijiboaga m̄sa. Sa yegũ m̄sare tutuaro cuesãja. Sa yegũ m̄sa cahmeno saha yerigũ ijieraboaga yuhũ gãhũ, topũ esagũ. Sijoro saha m̄sa yegũ ihñagũ yahutja m̄sare. Topũ yuhũ esagũ m̄sa pehe cahme duse tini wiana, apee boro tiquina chogũ ihña coona, duita usuana, m̄sa esa tuharo apeqinare yuhdũdũca duana, apeqinare ñano yahuducuna, ñano quiti yena, “Apeqinare masi yuhdũdũcaja”, nina, m̄sa cahmecoanore

dojomehnena ijiboaga m̄usa. “Tire yeari”, niḡu cuesãja ȳh̄u m̄sare.

21 Top̄u ȳh̄u esaḡũ ȳh̄ure m̄sare b̄ue tisãḡũ yeboaga Cohãcjũ. Sa yeḡu ijipihtiyequinare panop̄u ñano yeyequinare, tiquina ñañene b̄uj̄ua witieyequinare ih̄ñaḡu, tutuaro b̄uj̄ua witiitja ȳh̄u. Numia mehna ñano yeyequinare, um̄ua mehna ñano yeye numiare, w̄hana tiyequinare, ñañene tutuaro cahmeñequinare ih̄ñaḡu b̄uj̄ua witiitja ȳh̄u.

13

Pablo yahu bato tiahye

1 Yojoṗure m̄usa cahap̄u wahaḡu ihtia taha esagutja top̄ure. P̄ua taha top̄ure esa tuhasau. Sa yeḡu m̄sare ahrire yahutja. Ohõ saha nine Cohãcjũ yere tiquina ojoari p̄ũp̄u: “Ihcãquirore mari buhiri dahreato pano ihtiaro tiquirore yahusãno cahmene. Ihtiaro mariedaḡũ p̄uaro tiquirore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari p̄ũp̄u.

2 Panop̄ure ñano yerina m̄usa ijiḡũ m̄sare, ijipihtiyequina apequina ḡũh̄ure pari turi ahrire cuaro mehna yahutja. Ihcã taha m̄usa cahap̄u pari turi esaḡu m̄sare ahrire yahuu. Yojoṗure m̄usa mehna ijieraḡu pari turi m̄sare ahrire yahutja: Yojoṗure m̄usa cahap̄ure esaḡu, ñano yeyequinare potota buhiri dahregutja ȳh̄u.

3 Sa yeitja Cristo ȳh̄u mehna tiquiro buherire m̄usa ih̄ño dutiḡũ. Cristo pehe m̄sare dutiriquiro

tutua yãhdũariquiro ijire. Sa yero tiquiro tutu-
ayere ihñore mũsare.

⁴ Mari yero saha pagũ tiro, tiquiro tutueriquiro
ijiro, curusapũ yariahye. Sa yarieperota Cohãcjũ
tutuaye mehna catiriquiro ijire tiquiro yojopũre.
Tiquiro curusapũ ijiro tiquiro tutuerariro saha
ũsã gãhũ tutuena ijiaja. Sa yena ũsã esa tuharo
mũsare yedoho masiedaboaga. Sa yena Cohãcjũ
tutuaye mehna ijinata mũsare yedohona tana.

⁵ Sa ye mũsa pehe mũsa basi ohõ saha ni
tũhotuya. “¿Potota Cristore wacũ tutuajari yãhũ?”
ni tũhotuya mũsa. ¿Potota Cristo mũsa mehna
cjãno ijiajari? Tiquiro ijieragũ tiquiro yequina
waro ijierare mũsa. Tiquiro yequina ijierana ni
mehona ijire mũsa.

⁶ Ũsã pehe “Jesu yequina ijiaja”, ni mehona ijier-
aja. Tiquiro yequina waro ijiaja ũsã. Tire mũsa
masigũ cahmeaja yãhũ.

⁷ Sa yegũ mũsa ñano yeratire Cohãcjũre sini
basaja mũsare. Sata sini basaja ũsã mũsa
quehnoañene mũsa yeatire. Mũsa sa yegũ ihñana
ũsã ohõ saha niboaga: “Ũsã pehe tiquinare
quehnoañequina wahagũ yei ũsã”, niboaga ũsã
apequinare ũsãre ño peo dutina. Sa ño peo
dutieraja ũsã. Sa yena Cohãcjũre sini basana,
mũsa ye ijiatire sini basana niaja. Apequina
ũsãre “Ni mehoñequina ijire”, tiquina niepegãta
quehnoañene mũsa yegũ pũritare cahme yãhdũaja
ũsã.

⁸ Ijipihtiye mũsa quehnoañene yegũ cahmeaja
ũsã. Cohãcjũ yere quehnoañene dojomehne
masiedaja ũsã.

⁹ “Cristo cahmeñene yeaja ũsã”, ni ihño

masiedana, tutueyequina yero saha ijiboaga usã, m̄sa ihñagũ. Quehnoanota. Quehnoañene yena m̄sa pehe tutuana ijire. M̄sa sa ijigũ ihñana tutueyequina yero saha usã ijiepenata bucueaja. Sa yena quehnoana m̄sa wahatire Cohãcjũre sini basana niaja usã m̄sare.

¹⁰ Sa yegũ m̄sa mehna ijieragũ m̄sare ahri pũre ojoayugũ niaja. M̄sa caharũ esagũ, m̄sa ñano yerina ijigũ ihñagũ m̄sare buhiri dahreitja. Cristo yũhũre tiquiro dutiriro sahata m̄sare buhiri dahreitja. Yũhũ sa buhiri dahreratire ahri pũre m̄sare ojoayugũ niaja. Cristo yũhũre tiquiro dutiriro sahata m̄sare yedohoacjũ ijiaja. M̄sare dojomehneacjũ ijieraja.

¹¹ Yojopũre, yũhũ acaye, m̄sare quehnoa dutiaja. Cristore wacũ tutua nemoña. Sa yena quehnoana ijiya. M̄sare yũhũ yahurire quehnoano tũho nũnũña. M̄sa mehna cjẽna mehna ihcãno mehna ijiya. M̄sa basi quehnoano mehna ijiya. M̄sa sa ijigũ ihñano m̄sa mehna Cohãcjũ ijirota. Tiquiro marine cahme cahĩgũ yeriquiro, marine quehnoano mehna ijigũ yeriquiro ijire.

¹² Sa yena m̄sa mehna cjẽnare quehnoano bucueye mehna piti caya.

¹³ Ijipihtiequina ohõ cjẽna Cohãcjũ yequina m̄sare quehnoa dutire.

¹⁴ Mari pũhtoro Jesucristo mehna m̄sare ijipihinare quehnoa dutiaja. Sa yegũ Cohãcjũ mari Pacũ tiquiro cahĩñe mehna ijipihtina m̄sare quehnoa dutiaja. Sa yero Espĩritu Santo ijipihtina m̄sa mehna quehnoano ijire.

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
ad83cef1-6eb5-5233-a8f3-356e47bbda0d